

敘州府志卷十六

金石

集古有錄自歐陽始異文證經軼事補史葛鼓漢遺
韋勛唐紀霞壁舊刻苔碑殘誅彙而錄之以備甄采
述金石第十一

宜賓縣

御製松花石硯銘

硯做漢器夔龍式

壽古而質潤色綠而聲清起墨益毫故其寶也

康熙五十一年三月十六日

賜翰林院侍讀

臣

樊澤達恭紀清潤松花硯良工巧琢成題

敘州府志

卷十六

金石

一

宜賓

宸翰重

賜

賚腐儒榮價倍連城寶光齊射斗精

臣

心如片石捧

筆侍

承明

堅貞思壽世方正慎持躬秀毓珣玕畔珍藏錦繡中
不教龍尾敵未許爵台同文治今方盛殊

恩等賜弓

懷鉛三十載磨鐵憶當年快際風雲會驚沾雨露偏
池分金井水墨吐彩毫烟共美陽春曲巴人敢在前

新附

銅鼓 橫江鄉水洞坎嘉慶三年土人掘獲今置城北師來山元祖殿高一尺二寸面濶二尺鼓心作蓮瓣紋圓六尺無字跡通體皆細花紋四耳缺一腰微細一面空擊之作革音後又得二面一存城南土主廟一存城北崇報寺式同

蜀鏡 藏邑人李映棻家石琴詩鈔張君房麗情集載蜀後主衍幸鳳州天雄軍使王承休妻嚴氏有美色衍愛幸賜以妝鏡背有銘云鍊形神冶瑩質良工如珠出匣似月停空當眉寫翠對臉傳紅綺窗繡幌

敘州府志

卷十六

金石

二

宜賓

俱涵影中凡三十二字道光戊申余得之江南范廉泉刺史家鏡徑三寸六分重十兩有奇孫淵如家故物也詩曰蜀國山河一照空千年王業剩青銅土花不蝕興亡跡留得蛾眉想鏡中慣作花場小帽遊荒淫天子學無愁六宮誰及王家婦昨夜承恩駐鳳州團團寶月映流蘇乾德鐫年事偶符誰撰銘詞三十二真成一字一真珠一握蟾光賜馬前綺窗涵影對嬋娟海棠花下流鶯語妬煞昭儀李舜絃寫翠傳紅夢不孤玉臺恩重感靡蕪鴛鴦照出雙雙影不道羅

敷自有夫

新
增

古鏡 康熙時修建城隍廟掘地所獲未經淬磨有光可照寬五尺圓一丈五尺嵌置樓壁無字跡花紋韋南康紀功碑 在舊州壩唐元和五年勅史張九宗立碑陰刻南康謝表

定誇湖唐碑 治東門外有曰雲蒼蒼煙際橫波渺渺湖水平其餘漫滅不可考

唐古戎道碑 治西天倉山崖壁間有唐乾封二年詹君秀修道記筆畫遒勁

花臺寺碑記 唐元和五年張九宗撰
唐都督戎州李通破賊碑 治南一百里

敘州府志 卷十六

金石

三

宜賓

唐黎幹墓表 治西五里江岸石馬溪上

介子石 舊縣學署左地名韭菜園有石峭立中橫刻介于二字筆勢道勁相傳爲黃庭堅書

宋黃庭堅磨崖書 流杯池崖壁有南極老人無量壽佛八字大六尺許又涪溪石崖上有涪溪二字大

亦六尺許皆山谷真蹟

金箱浩碑刻 舊志宣化驛三十里宋吳季成卜居山阿有黃山谷書盤谷序虔州學記碑刻

涪翁洞石壁書 以八分體書黃庭堅贈秦少儀觀者詩末挽土不能寸推去輒數尺才難不其然有亦

未易識四句字可盈尺一行有半其下有小楷書四行云右豫章黃太史詩康節邵先生 舊有隸本

奇甚郡守臨邛黃 為摹刻於涪翁洞側以增偉觀

嘉定辛巳十月既望又另行仍前八分大書云面前

路徑須常合寬路窄則無着身處况能使人行也

宋竇氏墓碑 在治西六十里竇壩碑文多殘缺詳

冢墓類新採

瑞蓮池石刻 在治西九十里石壁上刻瑞蓮池三

字大尺許旁註介泉二字時代不可考新採

喬壁星磨崖書 治西北七十里大石盤對岸赤崖

敘州府志 卷十六

金石

四

宜賓 慶符 三

壁立明巡撫喬壁星大書丹山碧水四字並縣志

鎖江二字 蜀碑記補志略在弔黃樓江澣鎖江石

上新輯

慶符縣

銅鼓 縣東三十里銅鼓窠相傳武侯征蠻時所遺

銅爐 縣東一百六十里錢頭寺有銅爐一座古色

斑斕約重百斤相傳建寺時自土中掘得其所鑄年

月無考並縣志

武侯遺碑 縣東有武侯祠古碑字畫遒勁相傳武

侯所遺舊縣志

按舊縣志並載碑文詞甚粗俚必非武侯所遺通志慶符金石祇作誓蠻碑以碑文有出師誓絕諸蠻種之語亦不言出自武侯

武侯符碑 在縣東五里嘉慶八年居民於土中掘出上截有符左右有晉化天尊蕩魔天真八字下截有篆文可考相傳人遭瘟祟依碑書符淨水飲之即愈

武侯征蠻故道摩崖 蜀碑記補武侯志漢陽山在慶符縣北八十里漢武帝通西南夷自此山之南皆漢地故云諸葛武侯征蠻過此今崖壁上鐫武侯征

敘州府志

卷十六

金石

五

慶符

蠻故道六字猶存

晉張麟夫人墓表 碑目考在縣南一百六十里

唐南詔王碑 碑目考在石門界唐貞元七年袁滋題

朝陽洞石刻 在縣東一里洞額刻有朝陽洞三字

平蠻碑 在縣東五里舊有任瀚平蠻碑今地並通志

按輿文亦有此碑

石門古刻 在縣南十里石門知縣石如金書坦途二字刻石筆力遒勁

碗蓋溪石刻 在南廣上碗蓋溪巖中石刻玉帶二

字長丈餘

南廣巖石刻 南廣南岸巖石上鐫南廣二字長二尺餘筆力古勁年月及姓氏已不可辨

天柱峯諸石刻 南廣天柱峯石上刻天柱峯三字旁註嘉靖辛亥春鄆認泉書平夷餉道四字在南廣

天柱石魚躍亭下字形寬大註新安吳宗旦書仰之彌高四字在天柱峯下石碣上刻註萬厯丁未新安

吳宗旦書濟川拯溺四字在天柱峯石碣上刻註萬厯丁未嘉平朔日欽差軍門常山喬壁星書鳥道二

敘州府志

卷十六

金石

六

慶符 富順

亭側半巖上刻石磯洞三字在魚躍石上至冬水涸字出古刻蒼然

轉漕建武碑 天柱峯下石碣上刻轉漕建武四字註萬厯丁未仲秋宜賓縣知縣應城饒琮縣丞永安

姚志學題

並縣志

富順縣

鏡視銘 黃太史銘曰瀘之桂林有石黦黑瀘川之人不能有而富義有之以為硯則宜筆而受墨唐安任名從簡之硯面為鏡而背三足形駭天下若入山林逢不若而不待訪諸禹也

銅鐘 懸挂邑北三官堂大一圍中可容粟一斛上有楊升菴詩云營邱居士李咸熙畫出雲山水墨奇何似雲仍臥雲子白雲嶺上結茅茨按此鐘明嘉靖四十年造本成都物賊亂蜀攜用隨軍支更流移邑北黃葛寺旁 本朝康熙間陳奇鑑楊輝等修建三官堂始移置於此至今現存三官堂寺中

漢董孝子墓表 舊志聖燈山之近有漢益州刺史廣平侯董孝子之墓碑

宋磨崖碑 舊志皇祐七年知監張齊古題云西山城郭沿灘數里羣峯重疊一佛獨立容相端正真如

敘州府志

卷十六

金石

七

富順

塑出高聳數丈古代留跡後倚林翠前瞰江碧圖記謂聖佛

中巖普覺院碑 舊志天禧丁丑賜院名定康二年翰林學士李淑撰並新縣志

咸平獎諭李處榮敕 碑目考守臣黃裳跋章聖皇帝錄邦人李處榮殲均賊之功擢榮州長史敕書藏其家

石燈臺讚 碑目考郡人王光明孺獲牧公用燈臺刻石燈臺讚一首并序進士元銳撰元和中莊伯良能書富義縣令孟公才並通志

都憲坊 爲明都御史駱禹建也其後駱氏式微以坊出典朱萑不數年萑成進士欲毀其坊而爲己坊已鳩工不勝今昔之感竟中止之並刻其事於坊右歷今數百餘年字跡猶堪辨識

米芾第一山三字碑 在鍾秀山麓邑人韋蕃立

董元宰撰楊節婦碑

甘爲霖十景碑 在啟聖祠壁

讀書臺碑

劉公隄碑 公築隄瀦水立碑西湖塘岸

熊公課士碑 在三清觀熊公前在富於觀中立課

敘州府志

卷十六

金石

八

富順南溪

程教士乾隆戊寅之冬調署彭山佩其教者立碑以誌不忘己卯秋熊公回任意欲去之眾不可遂於庚辰秋建課士所於觀右以實之前有曲成門先月亭化龍池中有卓爾門景陽堂立堂後有一嘯園祿來堂八卦亭課士所觀者以爲幽雅可傳故亦附之於

古蹟金石內今廢

並新縣志

南溪縣

黃山谷晤軒石刻 碑目考在資聖院

黃庭堅涼暑亭 蜀碑記補志略在南溪縣龍騰山

大書涼暑亭三字

黃庭堅大桂輪山四大字 蜀碑記補志略在南溪
縣桂輪山按字大六尺許筆畫遒勁

雲臺書院四大字 蜀碑記補志略在南溪 雲臺山

宋黃魯直此君軒詩 蜀碑記補元續紀魯宏治辛酉長洲薛英按蜀獲此碑於南榮立於分司覆之以亭自以為起涪翁九原之英爽亦一蘇醒昨玉泉公在南榮分司早發時忽見破屋中樹一石自披荆視之因榻以歸噫好事如玉泉公使薛老有知其亦蘇醒已乎涪翁此書與詩頗奇偉自言咄嗟而成文不

敘州府志

卷十六

金石

九

南溪

加點蓋亦一時之興所至爾程嬰杵曰二句大有江西派之意也丁巳六月八日雨中觀於蒼潤軒記原按蜀有南平即綦江南江南溪榮昌榮經竝無南榮若以榮昌與綦江之南平竝稱則涪翁未到意南榮即南溪之譌也

李公洞石刻 在縣東三里龍騰山腹有石洞廣丈許深十餘丈中有丹鑪石竈石壁題刻甚多皆剝落不可辨惟洞口刻李真仙人迴文詩尚存

並通志

長甯縣

銅鼓 相傳武侯鑄以鎮夷者今田間往往耕出之

邑中士大夫家常購之以爲軒齋古玩

古鐵鬻 出三江口重數百觔形似鍋又類鼎嘉慶三年溪漲岸潰邑民獲二具不識爲何物棄之溪浹時城中建南華寺輦至寺中列階前左右貯水飼魚今現存

縣志原按萬歷元年巡撫曾省吾平九絲夷獲諸葛銅鼓九十三面同時又得銅鐵鍋二口係酋長阿大所蓄製甚奇古識者曰此非鍋乃鼎類也其名曰鬻今三江所出之器疑卽當年所遺者

並縣志

小桃源銅牌 碑目考在縣西冷水溪上相傳有耕

敘州府志

卷十六

金石

十

長甯

者得一銅牌鐫曰小桃源上有詩云綽約去朝眞仙源萬木春要知竊桃客定是滑稽人

五代僞蜀敕牒 碑目考武成三年牒清井鎮羈縻十州五圍土都虞侯羅元審武成三年牒清井鎮羈縻清井土刺史羅元楚永平元年牒土兵馬使羅元

審

並通志

誓蠻碑 在縣東武甯砦係宋范百祿作以誓蠻者文曰蠢茲夷醜清溪之滸爲虺爲豺憑負固圍殺人於貨頭顱草莽莫慘燔炙莫悲奴虜狃虎熟慝何可悉數疆吏苟坑噤不敢語奮若之歲曾是疆禦債我

將佐戕我士伍西南繹騷帝赫斯怒帝怒伊何神聖
文武民所安樂惟曰慈撫民所疾苦惟曰砭去乃用
其良應變是許驚熊裔孫爰馭貔虎殲其渠酋判其
黨與既奪之心復斷右股背孤擊虛深入厥阻兵從
天下鈇鉞首舉紛紜騰沓莫敢嬰牾火其巢穴及其
困貯暨其貲蓄墟其林廡殺傷係累以百千數涇灘
望風悉力比附丁爲帝民地曰吾土投其器械籍入
官府百死一贖莫保銅鼓歃血盟天視此狗鼠敢忘
誅絕以干罪罟乃稱上恩俾復故處殘醜厥角泣血
訴語天子之德雨賜覆護三五噍類請比涇倖大邦

敘州府志

卷十六

金石

十一

長甯

有令其戒誓汝天既貸汝汝勿余侮惟十九姓往安
汝堵吏治汝責汝力汝布吏時汝耕汝稻汝黍懲創
於今無汰往古小有保障大有威武汝或不聽汝擊
汝捕尙有虓將快騎強旅傳此黔軍毒矢勁弩天不
汝容暴汝居所不汝遺育悔於何取縣志
梅聖俞春雪碑 碑目考歸田錄載蘇子瞻嘗於涪
井監得夷人所賣蠻弓衣其文繡梅聖俞春雪詩蓋
以其名重轉落夷中

宋朝所給誥劄 碑目考嘉祐三年給長甯軍夷人
頭首斗蓋充上刺史誥

祥符平夷本末

慶厯皇祐平夷略

熙甯經制諸夷本末

元豐平乞弟子本末

范榮公進誓平夷文表

趙招討平晏夷賀捷表

龍門碑 明時漁者於小溪水中獲石碑一上書龍

門二大字疑唐置龍門縣故云

據通志增

高縣

臨淵閣碑 明萬厯九年教諭顧邦和書

敘州府志

卷十六

金石

三

長甯高縣

紅巖碑 嘉靖四年大理寺評事周惠撰重修觀音

寺記

南風寺碑 康熙二十七年袁士錞撰

簾蓆堡碑 字跡磨滅不可考

五顯祠碑 知縣唐繼年書

白雲寺碑 在陳村

陳公墓碑 在陳村黃沙坎即高縣知縣陳陞

朱公去思碑 在縣前

李侍郎碑 在左二甲真武寺傍墓前

陳遊擊碑 在右二甲

並縣志

筠連縣

銅鼓 巡司場村人咸豐二年於土中掘得銅鼓高尺餘濶稱之面有四蟬空其底腰微細擊之其聲如鼓惟無字跡考忠武志所載武侯銅鼓圖其製相似又讀史方輿紀要慶符北八十里漢陽山孔明征南蠻駐軍處據此則審為諸葛軍中所遺同治元年為髮逆所毀高邑焦村亦掘得一面稍小製亦相似縣志得勝寺鐘 治南二十里下屯鄉明總兵何卿鑄今存慈雲寺

海會寺鐘 治北十二里海銀場明成化年間鑄

敘州府志 卷十六

金石

三

筠連

得勝寺平蠻碑 明總兵何卿撰 據通志增

孝子碑 治北八里明時為孝子蘇奎章題

龍王廟碑 治北玉壺井明萬曆甲辰知縣朱萬元

建致仕江西袁州府通判舉人陳時教撰並書

義田碑 署西城隍廟明萬曆壬寅邑侯朱萬元建

舉人陳時教撰序

萬曆洞碑 治西南八十里孔雀場明季有匪徒於

洞中鑄私錢大憲檄建武都司督兵逐之封其洞豎

碑洞門惟字跡磨滅多不可識

黃牛山題巖詩 治東南三十里在半巖中人跡不

至題詩僅可認高皇創國時五字並縣志

珙縣

武侯祠碑 在縣南二百一十里落亥堡中南征後士人所立今廢

都察院碑 在縣西南一百八十里落表場中字皆剝蝕

郭將軍墓碑 在縣南九十里上羅計符水岸上

柳公祠碑 在巡檢司舊城中今祠已圯並縣志

興文縣

患峩洞石壁字 略云祖眉侍行徧讀此為冠云男

敘州府志

卷十六

金石

古

珙縣
興文

讀孫異時岷峨泉石遊歷殆盡崑洞開豁萬景呈露一春積雨至是風日暄納濟父相與作終日留載酒至自樂共會陳公周用求遊高師祐晉卿至江安舍舟同程三仁程驤少逸自瀘州西沂慶元丁巳清明後九日

原按患峩洞在縣東二十五里壁字名剝落不全中間數行尙能辨識樂共二字查係九姓古城餘多不解處

寫字巖 在毓秀鄉龍井溝又名鎮江巖昔人供楊泗將軍於此今廢巖不甚高頂石方平書有山高水

長四字又刻有保老鄉三字人不能解今考曾公征蠻檄有通老媒保語疑爲當時通事傳語之人所居也

九絲巖古刻 字鐫巖畔高約數丈久經風雨自下仰視多難辨識詩云蕩寇崇朝升峭壁同來睥睨接鉤陳扶桑日出乾坤闢玉壘雲堆虎豹屯沃土已歸神禹貢中興重睹鬼方賓歡偕瘁力諸文武奏凱新回萬壑春萬厯二年歲在甲戌閏十二月參政李江參議楊一桂僉事羅向辰督總兵劉顯副總兵張澤都司徐仁威知府陳大壯同知曾可耕吳文全陶采

敘州府志

卷十六

金石

五

興文

知縣蕭熊趙汝誼許一德何汝質稽錕陳忠任體直王慎登九絲城紀事都御史都指揮吳憲吳鯨勒石西關口古刻 在九絲山西關口舊鐫字跡朗然可觀其略云萬厯元年冬十月旣望四川左布政四明馮成能副使渤海李江參議嘉禾沈伯龍同登九絲城當天兵大捷爲經略萬世之雄圖也維時風捲長雲日開陰谷相與酬觴絕頂躍劍懸崖俯視萬竈星屯鸞巢盡爲焦土望西南諸夷阨塞盡在目中誠千古奇觀是用勒石以誌不朽緯川馮成能書

大龍潭石刻 在翥鳳鄉山頂潭水清瑩若鏡石壁

鐫有源頭活水四字明遊擊李棟題

天險洪開碑 在建武馬草坡大營上巖頭寺之側
碑高丈餘上鐫天險洪開四字明萬曆三年都督總
兵劉顯安邊同知吳文全立

凌霄城碑 在縣西南四十里時語四十八拐上凌
霄又爲四十八拐碑碑書宋寶祐乙卯韃賊自雲南
幹服越明年制臣蒲澤之以天子命令帥臣朱祖禴
措置瀘敘長甯邊面又明年城凌霄爲屯兵峙糧出
攻入守據依之地閏四月經始冬月告成長甯守臣
易士英任貴潼川路總管朱文正董工

敘州府志

卷十六

金石

十六

典文

那灘碑 在縣東三十里玉屏山之西石刻那灘二
字筆法遒勁旁書萬曆辛未仲春興文知縣羅應雲
題

武侯祠碑 在落亥堡明嘉靖三年都指揮丁勇等
立並縣志

平蠻碑 在建武崇報祠縣志明李長春平蠻碑記明
興洪武二十七年犍爲郡臣以戎棘上變高皇帝詔
設守禦所鎮以衛兵而令犍爲自保衛當是時經略
西南夷有端矣已上變者再至始命征討事然第檄
闡帥主之未嘗遣將軍如漢使馳義侯督八校尉擊

破之也高皇帝威靈滅此會不當一劍之任乃上意姑緩之示中國廣大不以法盡外徼也永宣而後黠結耕田者滋眾君長以什伯數笮馬髦牛祁祁布山谷間勢豪舉矣顧時時盜邊侵略旁小邑邊吏不能誰何於是議賞賚議誘諭或大將軍提兵或中丞部使者發人徒攻擊蓋旋服旋叛莫得而制矣隆慶中屢起內訌至號假王張赤幟橫行熨道上荼毒浸淫內地且阡危矣先帝采科臣言事詔問平蠻狀撫臣條對方略因徙驍將自黔中入蜀領其事居頃之會今上踐祚念先帝北降胡南平越見以爲慚於志獨

敘州府志

卷十六

金石

七

典文

釋西南夷弗誅意尙墨墨也乃邦郢中曾公爲御史大夫行部巴蜀諸郡屬以平蠻之役制若曰師出必以大創毋憚突入徒襲招納爲名高以畜亂畜禍爲也繇是闕上降指在摧陷廓清規恢先帝遺緒且令蠻夷如漢法若雷霆一震則糜爛矣公至謀之部使者扶風孫公因檄下文武大吏徵兵轉餉期三月畢會又檄冉駘諸酋長各率所部兵以俟旣如約躬虔秉鉞會師而盟誓不以蠻夷貽主上憂失父老子弟之望以元年五月庚辰一戰凌霄城破之六月丙寅再戰都都寨復破之熨人失此二險交臂大折毋論

褫魄矣乃糾其黨人保九絲城九絲峭巖綸壁慄捷
通天緣躋升者石受趾不二分益之排柵列塹固井
重墉曠弩下馳密於隕空之雨彼謂漢兵從天降始
擒也公購死士夜縋取一道上大軍躡脚而登奮挺
叫囂聲殷殷撼天地棘人方枕籍自堅不虞兵之飛
度自假王以下皆駢首就誅爭蹂躪以死擄其金鼓
標弩牛馬以萬計是在九月九日也公復自省其山
睹酋虜薄量空無遺燼乃獻狀闕下詔晉公副都御
史錫之廕餘爵賞有差當凱奏至交戟之內靡不頌
天子鴻化神明威鬯殊俗而謂公丕創未有之功爲

社稷隸也夫戎北在西陲天性忿鷙形容魁健行盜
侵歐習以爲業自古記之矣乃其地沃腴宜黍稷馬
牛畜產視內地倍十之三一有武斷豪寇者出則鳴
鉦擊鼓椎牛灑酒召致千百人爲高會會已輒羅拜
下之伏其令故食肉曳繒之外有磨旗舞槊尅闕邊
邑徒逞其獷心耳此可縱其跳梁貫之不問或聽其
詭譎數藉歸撫之名以緩死哉公所爲奮然勒兵與
部使者決策贊謀要以剷削禍本席卷雲徹母餘後
苗也聞始一再破凌霄都都寨軍吏多襲道謀欲引
已事爲解者賴公石畫已定卒莫能搖也迨九絲之

戰人人自危非公乘利席勝驅之必入孰肯決心死地足不旋踵哉功偉矣功偉矣在昔羌零之討後將軍每圖上軍冊漢廷議臣初是者什三中什五最後什八宣帝獨格眾議一聽後將軍所爲故羌虜迄以計碎曩公所上書上皆手詔賜報許以便宜卽有下公卿大臣議者亟言公計可必用不以始終兩辭等後將軍所遇大過之矣彼所俘斬羌虜及降者不下四萬人較之戎焚稱是而振旅之後復疏帝陳兵利害且薦護羌校尉可乘城者公茲纒纒譚善後事復請命驍將鎮撫其地勿更他適毋異金城之畫乃知

論議通古今憂國如饑渴之臣其握算固自同軌哉若上英謨睿斷益跨視孝宣遠矣是役也公駐師郡中踰八閱月郡守廣陵陳公旦暮奉公畫諾今所列兵事本末皆其耳目覩記者故授簡內史氏屬之紀伐述勛垂示罔極云辭曰自昔巴蜀崛起焚夷辨髮魃結鼓舌侏僂懸崖天塹雄盤險巖火耕流種旣飽且嬉乃揭徽幟載弄長鉞磨牙吮血闕翦西陲碎城撕邑漂鹵橫尸搏戰一做邀我招撫狼心狡獪豕毒淫滋惟皇震怒撻伐興師桓桓我公簡命疇咨塞旗仗鉞帥彼熊羆牂牁夜郎酋卒分提凌霄初裂都都

再披鹿奔鼠竄憑陵九絲縋城宵突一鼓畢墮梟獍
殄絕魑魅消糜如朽斯拉如豕斯馳疆場旣升士女
用嬉往阻邊徼今闢皇遠濯濯勳烈峨峨鼎彝有鬼
者爵皇則賚之有奕者土氓則載之百千萬年我人

永思新附

平蠻頌碑 在建武舊崇報祠縣志明周爻平蠻頌敘

南四百里許有夷曰都掌從烏名也在昔夷種實繁
叛服不常國朝分山都六鄉水都四鄉屬隸戎縣恆
性狡猾累累侵犯邊邑殺擄大肆屠老烹幼淫女剝
婦或闔門就戮或赤族靡遺肝腦遍於郊原膏血溢

敘州府志

卷十六

金石

三

興文
川文二

於溝洫野哭匝於道途穢惡觸於神天附郭竟成邱
墟山寨杳無煙火聞者莫不痛憤扼腕欲嚮膾其肉
雖有城堡保障官軍防禦然草竄棘棲不循蹊徑穴
崖匿箐莫測去住本非人類惡於豺虎攻守無據而
撫勅未加者數十年矣大中丞確菴曾公撫蜀下車
未幾痛憤稔惡已極身任其事移檄司府哀集眾長
條爲十議以決猶豫掄將選才理儲徵兵明功賞申
戒誓厲先聲曝暴亂以定南征疏上可之邇乃驍將
用命謀勇湊進勁弩迅發神火撲攻五月凌霄城破
六月都都砦破七月八月黃土砦鷄公嶺母嶺砦破

九月直衝九絲城擒馘十萬六鄉醜類蕩掃殆盡天之厭亂若默相之者向微文武憲於遐方忠貞激於閩帥威信結於兵戎籌算定於幃幄其能搗巢入穴衝砦擊壘未數月而除千百年不戡之凶夷開此億萬載太平之偉績若是之速乎上紓君相西顧之隱憂下保生靈南荒之胥慶洗冤魂於九幽慎封守於三巴蜀之人士何以報云哉謹掇六邑輿情竊於四始體裁編其俚語永頌功德其詞曰炎漢開疆犍爲列郡棘道連封西戎啟釁是膺是懲控馭靡定治之不治溢其驕競三國鼎分忠武坐鎮或縱或擒南蠻

敘州府志

卷十六

金石

三

興文

竦震六詔旣通夜郎受命天威所指望風效順歷唐迨宋乍叛乍降負隅而逞憑陵莫當皇皇有明統紹三王恩覃五服畫地而康編戶入貢臣服戎羌承平日久滑夏累猖昔在憲廟豺狼奔突九絲毒流六邑殘酷帝曰嗟哉司馬往逐三軍壓境渠魁就戮殄殲蔓延惡本猶伏昔號五斗今盈十斛盤踞星砦馳騁山麓殺人如麻騷動全蜀擄掠大肆邊徼弗甯或剿或撫論說紛紜天篤神武邁跡孔明久憤桀黠踴躍用兵赫赫王命斷斷丹心款款訐謨矯矯虎臣五月渡瀘六月南征奮臂一呼極溺救焚羽檄交馳徵兵

四集驍騎百萬雲奔電激矧伊凌霄况爾絲繫一鼓
震驚百壘霹靂如彼驟電掩耳莫及奚翅炬猱烈焰
孔熾氛稜蕩掃神驅鬼役噍類無遺一勞永逸曾未
期年倏爾凱旋馬歸牛放兵銷農田剿四撫六仁至
義全王師所加餘恩覃焉開府置司屯牧疆原文經
武緯保障爾邊鱗閣重開載勒燕然歸奏未央天子

萬年

新附

功宗小紀碑 在建武舊崇報祠縣志曾省吾碑文昔
人有言自古用兵未有大得志於西南夷者從來久
矣山都介在川貴間漢府土司周遭布濩而蠻獨陸

敘州府志

卷十六

金石

三

興文

川文文

梁其中往往出沒爲寇明興二百年間蓋十有一征
而最大者無如天順成化之際據數百里崎嶇加以
巨寇負固危險至煩大司馬提兵出合三省漢土官
軍十八萬越四年僅克大壩蓋九絲天險大軍每望
而不敢進以故遺患至今嘉隆間猖獗甚矣語在諸
使臣奏議中其蹂躪慘酷未易名狀然所爲稔惡斯
極小小撻伐輒不利彼程尙書李曩成率大軍征討
豈其才能智力不足吞蠻哉廟堂靡主斷疆場鮮成
功豈惟不成非挑釁速禍之懼則老師費財之虞故
未征而先與其敗少挫而遽奪其成任事之臣縱有

決勝之謀而奏績亦淺會言官追論貴州安酋先年阻兵狀廷議欲有所連治一日偕寺僚謁今元相張公言及斯事公云貴州介在夷窟中藉第令羈縻不動斯可矣若蜀之都蠻密邇敘瀘侵暴我內地殆六七十年矣殺掠人民不可勝數其當誅之罪此孰與貴州未幾不佞謬撫蜀既入境警報日數至乃上書請討之自五月視師九月報捷中間克凌霄克都都克九絲獲其酋首勢如破竹諸蠻之死者以萬數山都遂平斥境四百餘里腴田沃野十八萬有奇今張官置吏列嶂乘城分田授地已屹然新巨鎮朝廷爵

賞有差嗟乎此豈不佞所能倖致者哉實由我祖宗功德冠乎宇宙皇天申佑景祚無疆惟休是以誕生明主妙齡御極深惟長治久安之道眷倚元輔張公至篤公又本孤忠扶日月勤思海內不以蜀在千里外棄而不講其於征蠻一事圖度於未征之前籌算於遣將之際而又決疑定計不惑羣言竭其密勿之心思卽益部諸縉紳長老訢訢相告亦庶幾稱一方綏靖矣以此見相道之所係於治亂者猶影響之捷昔韓魏公琦嘗云須臾慰滿三農望歛卻神工寂若無夫收歛若無者相道大而忘言也顧不佞與三農

同慰縱若能言其詳可無紀其略以俟載筆者先是都蠻肆掠蜀南不甯變章告急公卽偕內閣諸老視草有嘆者曰都蠻不滅蜀敘瀘赤子且無噍類矣安得俾一巡撫往任之公曰吾楚一士足辦斯事彼以文章華國自能靖此大逆蓋不佞督學關中去今六七年所而公以收之藥籠中如此近以蠻平方得爲懸記之詳因憶曩者舉貴蜀事並論公卽以蜀爲急謬以不佞督師分遣將帥甫至敘州會言官有以閩事論劉顯者罪且不貸公曰臨敵易將兵家所忌倘蜀事不效並閩罪連治之未晚於是命顯戴罪立功

顯得授方略奮不顧身以平蠻自効有如顯不可留蠻禍益巨測所領標兵多江浙閩粵間烏合之雄如郭成之罷剽掠幾內訌者苟非公有知人之哲又安能數月而卽平蠻哉先是大征疏上中朝公卿大夫謂不便者十九大略以蠻若可征豈俟今日不如撫之便公曰不然不剿而撫此向來所以滋患也今必盡剿其黨毋使毒我生靈諸公安坐以俟捷音之至耳乃其後果以數月告成功至於公所爲手教者有曰劉顯功名著於西蜀取功贖罪保全威命勿蹈前愆郭成亦稱宿將宜速起用任同於顯余因持以激

顯亟起成於家二帥感公特知莫不鷹揚虎視自計
不反顧有曰六縣人心怨恨既深宜因蠻勢猖獗厚
賞軍中先登爲上使諸軍聞言莫不爭先効死鬪者
有曰攻險之道必以奇勝奕家布置雖多成功者一
路而已今可徵兵積餉爲坐困之形然後乘其不備
而攻之則勝矣古來名將皆用此道若不奮死出奇
欲以歲月取勝此自困之計兵聞拙速未覩巧之遲
久也其後九月九日卒用奇計直破九絲獲其酋王
三人其原委不及悉言而大旨若此以故人徒見成
功之易而豈知政本之地發縱指示若斯之勤也自

今回視兵間次第甯有不任將設謀運籌幃幄卽能
決勝千里哉此雖蕞爾戎寇不足數自非公主斷豈
疆場之臣所可嘗試而况深勞於猷念者雖在萬里
外未嘗不日夜焦思以圖速效夫都蠻悖逆已久流
毒實深擅不討之日久矣豈知王師動於九天之上
從衽席攫而取之乎捷音遠聞不覺屨齒之折敘瀘
赤子自是可安枕而臥矣此時宜力爲籌備俾南蜀
磬石長安故見公之上爲社稷下爲生民蓋不遺餘
力而不佞得奉以從事藉卒業於坤維何幸之厚也
至於不佞先後所上便宜所爲目擊心維必經營地

勢而幸爲主上報可者故嘗念前此撫蜀者其才視
不佞奚啻十倍乃其遭際似不可同日而論矣故又
間語公卿大夫曰征蠻之舉余何功哉皆明主委心
之力也於戲休哉惟明惟良庶事以康方今朝野亨
嘉文武戮力南靖粵北馴胡遠左反面兵不留行亦
旣威震乎殊俗而化浹於方內矣不佞乃獨指而述
之蓋以見碩輔之贊化調元其功誠不朽耳萬曆二
年中秋安邊同知吳文全勒石新附

西蜀平蠻碑 在建武舊崇報祠陳于陞撰文已剝

蝕縣志

敘州府志

卷十六

金石

三

興文

平蠻碑 在建武舊崇報祠縣志明任瀚平蠻碑記夜

郎爲寇中國僭稱侯王自莊躋略西極以來軍法所
不治蠻中推夜郎部最號梟雄是稱都蠻竊據犍焚
要害四塞險絕狡獪虎豹所宮卽有孫吳提重兵壓
境賊乘高客軍處其下如人射鵬雲中決背向空巧
力俱喪故先朝諸將戰守多敗屈失利常置不問明
興二百年間王師西下討罪前後數百戰迄無成功
憲皇帝嘗勅大司馬提軍十八萬駐境上師老將疲
僅博一捷耗傷甚眾得不補亡今萬曆元年皇帝嗣
位朝覲萬國薄海窮裔包奉貢獻無敢後時惟都蠻

擁部落橫行塞下數犯慶長高琪筠戎漸逼敘瀘所
到疆土盡赤剝屺人血肉以蠻邊毗野死無弔殿中
丞開府曾公上疏言臣待罪西陲不能絕邊患無所
稱塞意旨願將戮力破蠻頽其巢略地以聞皇帝下
閣臣議維時元相張公集百官闕下言蜀在中國爲
西南重鎮叛不速討諸蠻將望風起事蜀豈得全百
官多以蜀道艱難什倍淮西塞北噤不敢發聲聞又
以漢武使唐蒙略通夜郎事對公厲聲言兵不擇地
惟其人吾將以一中丞取夜郎若走雷電可橫槩立
辦所不成者吾不得復平章國事遽入奏上取進止

敘州府志

卷十六

金石

七

興文

詔遣使授中丞弓劔節斧使大將軍事聽自擇官其
不用命者殺無赦中丞旣授詔督軍夜郎以左布政
使馮成能叅政官沈伯龍兵巡副使李江僉事周思
充咸入贊計畫暨知府陳大壯等分局受事表請以
南中軍都督劉顯爲節帥統制諸軍以故總兵郭成
叅將張澤等十三人爲偏將自宣撫奢効忠以下咸
聽節制會顯以往事論列當罷賴元相知顯自少從
蠻中立功蠻故憚顯威名且臨敵易將非便得不罷
由是顯益感激思奮願以身許國賊不破不敢先還
元年春三月中丞南嚮誓師授要策傳令軍中無殺

降無縱亡匿有敢贖賄市奸宣漏風指坐以黨叛伏
誅臨敵首鼠攜貳逼逼進退者其斬以殉誓已密進
顯計師所嚮顯議九絲城蠻中都會自比幕南王庭
夷漢土著無賴亡命所歸地深阻不猝得拔 凌霄
砦九絲便門都督砦北東雷先擊便門次東雷卽王
庭早晚可得獨凌霄王阿苟最桀黠蠻所怖畏然喜
貪賂遺封爵使通若啗令下關執其王并六酋帥以
獻羣獠奪氣夏五月軍襲落豹設伏擒四賊將取惡
戾坎進迫虜營顯以牙校吳鯨將銳卒五千與成澤
軍合圍連決十餘戰城破賊敗走追斬二百級誅名

王阿么名賊將六七人梟其首於夜郎都市六月以
鎮雄兵三千攻落亥鯨軍藍澱坂襲洪崖成軍董木
與鎮雄兵犄角火蠻巢十餘賊迎敵決殊死戰執其
兩名王斬首麾下盡收都砦部落秋九月始計取九
絲城城據夜郎西山兩壁對望中阻長谷軍入谷兩
陣夾攻無得脫者厓礮陡絕四十里三雄王壁其上
控弦數萬王皆強力曉軍事慣攻戰聞別柵旣破益
防隘拒險嚴矢石塹牢自衛顯使間諭三雄王曰大
將軍用兵如神號聞海外今以十萬之師摧兩砦如
搏雛鷄理豈得逃能先事降我許待以不死蠻懼俱

遲回觀望不決部下乞降者二千三百有奇先是募郡國敢死惡少年增兵至十四萬公按兵法分五路並進各將二萬八千以行營副使江督諸軍事顯仁威引兵入黑帽軍其西斷呂部烏蒙豕峨諸路成將所部出印壩軍其南以當芒部越嵩牂牁澤軍出穀爆陳其北以絕冉駹董卜韓胡韓似甫軍得它口陳東北斷其內寇使毋滑餉道毋阨儲胥以資寇食任繼祖軍西北與顯兵合五陳環絡如連珠緩急相應兵既會賊出勁卒鏖柵下十餘遇皆北始退保兩壁間乘城轉石發標檣下擊我我如電霰不休時鬼方

多淫雨瘴霧晝冥蠻堅持不下秋九月公傳檄責令戰厲甚用顯計令軍中厚賞資士漢衝鋒死士使襲城會鯨等將顯所用謀夜入帳中見顯謀言蠻中以九日作社椎牛大饗且見霖潦無搏戰理將弛兵酬酒自放顯密諭諸將官出不意迺夜發猿臂軍千人乘飛墜銜枚取道間關霧雨中遲明進薄城下斬守門虜破關以入諸路軍取烏銃爲節刻期會戰起寅至午所格殺慣戰數百人賊大披靡前軍引火炬燒城中屯千餘炎燄彌天賊勢窘赴火墮崖谷死者數萬雄王皆棄壘走分兵大索冬十月取次就擒都蠻

至是盡滅計先後下城柵六十有奇擒名王三十有六俘斬四千六百有奇略地四百里還報闕廷皇上御皇極殿傳制曰國有戎兵予不敢臆決維朕元輔忠亮以身繫天下安危不問海內外聞有作難惕若蹈行陳中罔有甯所乃西事告警獨許爾中丞可屬戎政假爾大將軍節斧授之成算諸有所關決無弗汝從維爾中丞哲肅勞瘁封疆能策諸將士破虜王以速成不功用奠西陲康靖我國家克稱朕意其晉爾右副都御史顯以下爵賞有差以九絲城爲建武城置府衛兵下控西南夷落命所司伐蔡蒙石勒朕

文武臣功使能賦者銘其勞聲諸永世其辭曰天王神聖威加九夏赫胡爲者坤之社其山崑岷谷紺閭蠶叢開國來百戰不得下鬼其讐之聲在野狸晝號守以虎獠不庭戒邊櫓國有大盜問元輔其誰使者徇西土殿中有丞旣文且武願假旄鉞斬桀虜丞哉飛檄怒濤發英風颯爽能起邊城八萬四千戰死之白骨筆籌赤牘肝膽壯勁氣直上蒼龍闕雲旂雨旗盪摩日月墨上瓜廖王闕落豹彗落地鋤長鏃夜擣雄王窟三十六王碎領顛土有賸壤戶有降卒畫蘭靡莫咋舌不敢唾揲掄印祚磔狗飲血斷出沒唳雀

入淮化螭房雉入海化蜃光寇盜得險化侯王宵宵
建武城列雉天一方守者非忠賢能無化豺狼蜀有
天險上爲劍閣下瞿唐割據自古昔可獨問夜郎誰
借聖王三尺鍊爲君世代誅豪疆蜀不割蠻不屋蔡
蒙補天之石高峯律長與乾坤鎮南荒無使三十六
王城下鬼夜哭新附

戎平行碑 在建武舊崇報祠送會確菴克平九絲
作也文多剝落

修建武所城碑 在建武舊崇報祠

崇報祠碑 在建武與前五碑並峙

敘州府志 卷十六

金石



興文

劉公生祠碑 在建武毓秀鄉即都督劉顯祠

總戎向公碑 在落亥馬鞍寺公諱大任字達寰鄴

都人明天啟間鎮落亥此其德政碑也進士牟道行

撰文多半剝蝕

玉皇閣碑 在建武玉屏山麓

演武場碑 在建武西北演武場並縣志

開河碑 在縣東關外二郎廟中縣志明成憲開河碑

記予不佞處堦中別業適興文令羅公以故知使使

致書書曰雲侍王無狀待辜興文兩月念有三日採

地方利病條爲七便仰干當事一一議行若疏通河

渠以便舟楫蓋歛之四云今告成士民相懇轉丐一語爲記第開河有記記其河之開也非以炫名也勿似俗虛譽以重雲罪雲厚幸矣予慨然曰夫乞文與爲文者豈不以譽乎哉予舊載筆史館每以不能譽不揮毫茲公要我直筆我敢不文辭我漁陽人居東鄉每苦遠汲日夜經畫議穿一井代凡四莫決房之易姓者凡五又莫決俄而房新主人某至鑿其井之不容不鑿也一日卜地二日鳩工三日從事旬日而清流湧出如箸如練不泛不竭家之人汲焉鄰之人汲焉閭閻之人汲焉日濟濟熙熙來而汲汲而往亦

敘州府志

卷十六

金石

三

興文

烏知爲新房主人功哉公之開河其事方此聞興文四水滙城東門二郎廟側延袤至江安之梅嶺約三十餘里中多積石而安溪迄憇我洞上水入山復出者又五里餘其工頗巨其流近灘蓋邑舊戎縣漢唐號晏州樹城設令以來開河事人人言之以勞費故旋議旋止公申請自開不動公用不派民間一切工役悉於永甯催募一切應用悉於自己辦給於邑中好義者置立義簿聽其自書固不斗絕亦不緣募自乙未仲冬九日起工丙申孟夏八日落成凡五月小灘三十餘大灘凡四如梅嶺巨石巉巖則直鑿東岸

以下其水勢舊由西面今乃東故命曰那灘雷灘架
飛梯以截石梁令不爲梗名仍舊三輩子一帶皆石
左右穿繞錘鑿難施以火焚以水激寸寸而刻勞不
可言今號闢石志難也安溪水入山五里觀者袖手
則倣長堤以小石塞中外用大石灰砌屹若城墉狀
水於是不入而由河道行故以平易乾紀其實也公
之心與政吾何必譽誦其七便如均輸轉運疏通鹽
法清稽流寓申明紙張等皆閭閻積苦一旦洗割則
其心與政有耳有目者共聞共見吾何以譽也議內
云河之開一則便於農而米穀不至於騰貴二則便

於工而材木不至於遺棄三則脈絡通而風氣開不
負興文命名之意四則偶承緩急駕舫艇而載芻粟
足遂夷漢之心五則侏儻左衽不十年而盡屬冠裳
六則興文稅糧不兩月而毫無宿逋其孜孜切切期
望於興邑者又何如而吾以譽也督工官者人等心
公之心日夜供米粟以成斯義則興之士風民俗由
此勃然改觀者復伊誰之力而吾以譽哉夫開河碑
記不由羅公而由興示直道尙在斯民三代良心各
存譽與不譽吾烏得而與之

新附

張公祠碑 在縣南門外祠中

縣志

隆昌縣

名臣巖 縣南三十里墨溪之西巉削壁立明陶望齡書正直名臣四字二尺許刻於石相傳為御史郭廉叅議郭元柱題

古坊 北關外石柱上鐫二聯一云父子黃甲兄弟青雲一云受御史披膽瀝肝任郎官甘雨和風側有小書之芳書三字因剝蝕無考又百步外古坊一上鐫詩五首摘句二聯後款落崇禎七年孟夏月望日吉無姓氏並縣志

屏山縣

敘州府志

卷十六

金石

三

隆昌

天津石 在東關石壁上鐫龍躍天津四字筆畫勁古年代姓名無考

西關石壁 舊鐫鳳嶺迴環四字於崖上係與題天津石字同一人筆跡亦未著年代姓名

乾酒饌石 在羅東崖壁上有三石膽狀如酒饌明時有都察院某題他山之石並舊稿

沐川古碑 在沐川司名勝志唐垂拱三年玉津令馬元慶等破馬湖夷紀功通志

馬邊廳

石丈空古刻 治東八十里舊刻有鑿開天險四字

明陳禹謨賦石丈篇鐫於石壁

馬寨煙青碑 在煙峯城北萬曆十七年鐫馬寨煙

青四字以爲煙峯之鎮

並廳志

建設新鄉城碑 在廳城箭道前萬曆十七年建

通志

侍郎汪道昆記自漢通西南夷而羌邛犍道莫不臣
妾其後伺我張弛叛服無常上始平九絲誓將寢兵
息蜀及諸夷竊發疆吏遞聞乃授鉞徐中丞假以便
宜行事至則謀之按部謀之潘泉大夫屬諸將將諸
將兵以次討罪於時松潘危急建越次之丙戌平松
潘丁亥平建越中丞晉右司馬諸將而下論功有差

敘州府志

卷十六

金石

五

馬邊

歲杪有事馬湖羣策羣力畢舉勒兵五萬爲三軍則
以李監司士達監叅將郭成朱文達兵出馬湖以武
監司尙耕監遊擊周於德兵出中鎮仍以周監司光
鎬監遊擊邊之垣兵出建昌統以主將李應祥殿馬
湖營中調度檄通判汪京等贊畫軍中司馬爲師期
期至且發臙酋仍構黃螂雷波諸黨盤據出沒以抗
王師三師並興討無不克自陳師以及奏凱期月有
奇俘斬夷二十八人夷黨四千七百四級歸侵地六
百七十餘里納降五千二百三十六人捷聞三蜀底
定乃策諸監司爲善後計疏奏之則以王者之治夷

羈縻而已夫治夷猶治草也兵至則薙兵罷則滋彼其錯我域中視戎狄異假令棄之若置滋蔓難圖將爲永圖其自今更始請就馬湖專設安邊同知一名守備一名皆給印綬相其要害築二城二堡列兵三營戍之布恩信務修和寬則因夙而解紛急則相機而決勝責在同知察堅瑕偵向背寬則練習急則張皇責在守備今一天討之所讐服威德旁流旣畏且懷不啻革面示之以順則撫逆則誅文武並行長久策也察部中諸君卒無如通判汪京良是嘗轉餉方其勞未泯軍中宣力從事庶幾不二心之臣及今擇

而使之得人矣上悉當司馬議汪京方從甯差守尋授安邊同知乃就新鄉築安邊城九百雉中城爲同知公署進五十里築城四百雉中城爲守備司又五十里爲施家寨屯兵一營又施北水池築一堡屯兵一營邊隘相望築亭者八庚寅始告成事則遣使抵新都曰京藉寵靈幸得一當邊境茲伐也明德之所照臨司馬之所決策諸分部之所戮力也使京得以褒衣博帶而當一隅京不知所爲夫子固在邦將將善而善善長矣夫子碑矣使至此得譯書上修京轉木功晉秩二千石往不佞爲襄陽守京固已受業及

門其人負傲黨急勳庸將有樹於雲中渤海之間雄
視當世何筮仕得蜀別駕不佞惜之何哉固當授一
郡丞以治四封乃今以安邊而丞馬湖則文武材也
語曰文武不備良民懼彼其無良也者將奚賴也耶
子欲居夷直以君子居之耳必也躬化爲上非忠信
篤敬而不行乃若定章程明約束播文告息紛爭詰
戎兵拓地土抑末也頃聞差胡逆節將尋柯斧借以
不治治之無日矣是舉也深入重地躬自守之非常
之原則人人懇矣誠能左提右挈兼用文武而興時
宜先民有言禁於未發之謂豫是則在師爲長子在

敘州府志

卷十六

金石

川

七

馬邊
雷波

夷爲君子久之胥夷爲夏諸漢德愈益昭明矣則所
謂非常之人非常之事非常之功也斯言也非不佞
之私言也上之當穴下之開府若分部諸監司望此
久矣不佞將矢之於七尺之碑新附

徐公祠碑 在廳北一里明余之禎撰記

首闢遐荒 在廳東十里明萬曆十七年同知汪京

鐫於大崖砥石壁據通志增

雷波廳

銅鼓 嘉慶時天姑密鄉人掘地得之今存 關帝

廟中又黃螂土人掘地得銅鼓四亦存 關帝廟鼓

高尺許所鑄皆奇文異狀互相錯蟠其雕螭刻鷲猶可辨識邊際閒綴蝦蟆扣之有剝蝕聲疑武侯製以鎮蠻者

國朝顧圖河諸葛銅鼓詩武侯未築祁山壘先出偏師渡瀘水人言孟獲不足擒股掌玩之徒戲耳豈知北伐用南夷正欲中原掃讎恥焚人竿馬供鞭驅羅鬼烏蠻皆效死至今銅鼓散山谷尚戶流傳尚誇侈精銅其質革其音想見援枹兵四起烏蛇龍虎倏離合戎機萬變人難擬曾傳八陣有遺蹟更說旗臺餘故址此鼓千年尙宛存血戰消磨土花紫君不聞定軍

敘州府志

卷十六

金石

三

雷波

山下陰雨中山鳴雷動聲隆隆埋鼓鎮蠻功未畢反旗走敵憾無窮

銅鼎 明萬曆中總督李化龍平播後命重慶府將軍前給銅鍋盡數收集改鑄鼎器頒發各土司永爲鑿戒銘曰維星拱北維水朝東天王御極八方會同惟西南夷各世其封惟敬天念祖庶不墜厥宗順天者吉逆天者凶以爲不信視楊應龍

篆字崖 在東林鄉明萬曆十七年將軍李應祥統兵平楊九乍安興後書善造東林四字鑄於石壁上人呼爲篆字崖

並廳志

諸葛碑 在城北百四十里志通按碑在城東百里詳
古蹟雙碑地通志誤

敘州府志

卷十六

金石

三

雷波

